

# Fröhjohr

Me merk et joot, de Daach send längere,  
de Luçt eß meld wie lang net mi.  
Em Stadtpark send se at de Bänk am putze.  
Dänn Liebespaare schätze die.

Die Vüelschwärm, die fottjefloere wore  
bes nõ Südafrika çronge,  
han övve dusende van Kilometer  
dr Wäesch zo os zeröckjefonge.

En Mäll <sup>1</sup> eß ständisch hen on her am fleeje,  
em Schnabel Hölzjere on Moos.  
Se eß domet e Neßje sisch am boue;  
dänn dõfür hät se jetz jrad Loß.

Am Kroçtschepool <sup>2</sup> dõ maache Kröçtsch Konsäet <sup>3</sup>,  
se send am quaaake stondelang.  
Dauch och en ange Ajelääjeheete  
send Kroçtschepäärschere zejang <sup>4</sup>.

Dõ kött de içchte Fleesch des Johr on sätz sisch  
om Rank vam Bierjlas en de Sonn.  
Jetzt sollt me also ändlich sisch äntschleeße  
on Fleejefängere koofe jonn.

---

<sup>1</sup> Amsel <sup>2</sup> Froschteich <sup>3</sup> Konzert <sup>4</sup> zugange

Ene Huusputz eß öm des Zik aajebraat,  
wat me em Wenkte jø net moot <sup>1</sup>.  
Dat Zeusch dofür, wie Møpp on Fenste-Läe <sup>2</sup>,  
hät ALDI SÜD em Aanjeboot.

Em Mäež spannt keene Buur et Päed mi en  
fü dann ze plööje, äeje, siene <sup>3</sup>.  
Dä sätz sisch hüzedaachs om Traktor drop  
on maat dat längß met Lankmaschine.

»Dr Mai eß komme on de Bööm schlönn us <sup>4</sup>«  
warnt os et Leed, dofmet me weeß  
dat leider dat Spazierejonn em Böisch  
em Mai net onjefielisch <sup>5</sup> eß.

De Wenkte-Kläe <sup>6</sup> fü wärm sisch aanzedonn  
die komme jetz dann ändlich fott.  
Die werde bes de nääkste kalde Zik  
met Möttepoløve enjemott <sup>7</sup>.

Stattdässe werde alle Somme-Saache  
erußjekrømp on usjepack.  
Die mösse mäschlich enjeloofe sen,  
se setze nämlisch all jet spak <sup>8</sup>.

---

<sup>1</sup> nicht (tun) musste <sup>2</sup> Fensterleder <sup>3</sup> pflügen, eggen, säen

<sup>4</sup> schlagen aus <sup>5</sup> ungefährlich <sup>6</sup> Winterkleider <sup>7</sup> eingemottet

<sup>8</sup> sitzen knapp, sind zu eng

Wer övve Fröhjohrschmöödischkeet em Mäez  
on em Aprel sisch jäç beklaach,  
dä eß wahl och zo angere Johreszikde  
net emme monkte <sup>1</sup> on hällwaach.

De Kięschbööm <sup>2</sup> fange präschtsich a ze blöhne <sup>3</sup>  
on sen ömschwärrmp van dusend Bejje <sup>4</sup>,  
die fließisch met Jesummse on Jebromm  
van een Blööt <sup>5</sup> nq de ange fleeje.

On dat et des Johr werrem Äppel jit,  
Rennete, Bqskopp, Jonathan,  
send och an all die rosa Appelblöote  
de Hummele on Bejje draan.

Met jäçle, rude, violätte Blöote,  
deet jetz dr Länz en bonkte Klüere <sup>6</sup>  
em Jaade, en de Bände <sup>7</sup> on am Wäęschrank <sup>8</sup>  
he senge Optrett inszeniere.

Et Vuęlzewitschere am fröhe Morje,  
mi han et moçndelang vermeß,  
an Birkebööm et ięchte zarte Jrön!  
Wie schön, dat werrem Fröhjohr eß!

---

<sup>1</sup> munter <sup>2</sup> Kirschbäume <sup>3</sup> blühen <sup>4</sup> Bienen <sup>5</sup> Blüte <sup>6</sup> Farben  
<sup>7</sup> Benden, Wiesen <sup>8</sup> Wegrand